

Ո Ր Ո Շ ՈՒ Մ 98/16

Վարչական փուզանք նշանակելու մասին

24.10.2016թ.

ք. Վանաձոր

ՀՀ ԿԱ ՊԵԿ ԳՏՄ պետ Կ.Ջանոյանս, ուսումնասիրելով <<Տավուշ Տեքստիլ>> ՍՊԸ-ի /ՀՎՀՀ- 07617709 / փնտրենի ժ/պ Միքայել Ավետիսի Եզեկյանի / նույն. քարտ. 001814979 , փրված 08.09.2014թ.-ին, 004-ի կողմից, հասցե՝ ք. Երևան, Արաբկիր, Նաիրի Զարյան 110 42 բն / կողմից վարչական իրավախախտում կատարելու վերաբերյալ նյութերը,

Պ Ա Ր Զ Ե Ց Ր

20.09.2016թ. թիվ 02/7-1/[1204487]-16 գրությամբ ՀՀ ԿԱ ՊԵԿ ԳՏ մաքսատուն է ուղարկվել ԵՏՄ անդամ երկրների հետ փոխադարձ առևտուր իրականացրած և հաշվետվություններ չներկայացրած / կամ սխալ ներկայացրած / կազմակերպությունների և անհատ ձեռնարկատերերի ցանկը: Ըստ այդ ցանկի <<Տավուշ Տեքստիլ >> ՍՊԸ-ն / այսուհետ Ընկերություն/ օգոստոս ամսում լրացվել է 5 փարանցիկ հայտարարագրեր, ներկայացրել 7 վիճակագրական հաշվետվություն, ինչպես նաև կա սխալ:

Նշված փաստի առթիվ ՀՀ ԿԱ ՊԵԿ ԳՏՄ ԳՀԼՀ բաժնի ավագ մաքսային տեսուչ-իրավաբանի կողմից 10.10.2016թ.-ին Ընկերության փնտրեն Միքայել Եզեկյանի նկատմամբ կազմվել է վարչական իրավախախտում կատարելու վերաբերյալ արձանագրություն՝ Վարչական իրավախախտումների վերաբերյալ օրենսգրքի **169.2 հոդվածի** հատկանիշներով, այն է. Իրավաբանական անձանց, օտարերկրյա իրավաբանական անձանց՝ Հայաստանի Հանրապետության տարածքում գործող առանձնացված ստորաբաժանումների, պետական և տեղական ինքնակառավարման մարմինների, հիմնարկների պաշտոնատար անձանց,

անհատ ձեռնարկատերերի կողմից պետական վիճակագրական հաշվետվությունները և պետական վիճակագրական դիտարկումներին վերաբերող այլ փաստաթղթերը չներկայացնելը, կամ սահմանված կարգի խախտումով (սահմանված ժամկետների կամ ամբողջ ծավալի խախտումներով կամ աղավաղումներով) ներկայացնելը, առաջացնում է նախազգուշացում կամ տուգանքի նշանակում՝ սահմանված նվազագույն աշխատավարձի քսանապատիկի չափով:

Նույն խախտումների կատարումն այն անձի կողմից, որը նշված խախտումների համար վարչական տույժի է ենթարկվել վարչական տույժի միջոց կիրառելուց հետո՝ մեկ տարվա ընթացքում՝ առաջացնում է տուգանքի նշանակում՝ սահմանված նվազագույն աշխատավարձի հիսնապատիկի չափով:

Գործի քննությունը նշանակվել է 24.10.2016թ.-ին, ՀՀ ԿԱ ՊԵԿ ԳՏՄ-ում, ժամը 12:00-ին, ինչի մասին Միքայել Եզեկյանը պատշաճ ծանուցվել է՝ փոստային առաքմամբ նրան է ուղարկվել արձանագրությունը և ծանուցագիրը, սակայն վերջինս չի ներկայացել գործի քննությանը:

Հունիս-հուլիս ամիսներին վիճակագրական հաշվետվությունը սխալ չներկայացնելու համար՝ Ընկերության տնօրեն Միքայել Եզեկյանի նկատմամբ 03.10.2016թ.-ին կիրառվել է վարչական տույժի տեսակ՝ նախազգուշացում:

Գործի նյութերի ուսումնասիրությունից պարզվել է, որ Ընկերությունն օգոստոս ամսում կատարվել է ներմուծում և արտահանում: 09.08.2016թ. թիվ 05100033/090816/0004865 գրանցման համարով ներկայացված վիճակագրական հաշվետվության մեջ կա սխալ, որը սահմանված կարգով անվավեր է ճանաչվել:

ՀՀ կառավարության 23 ապրիլի 2014թ. թիվ 447-Ն որոշմամբ կարգավորվում են Հայաստանի Հանրապետության և Մաքսային միության ու Միասնական տնտեսական տարածքի անդամ պետությունների միջև փոխադարձ առևտրի վիճակագրության վարման կարգի հետ կապված հարաբերությունները: Սույն կանոնները տարածվում են Մաքսային միության ու Միասնական տնտեսական տարածքի անդամ պետությունների տարածքից Հայաստանի Հանրապետության տարածք ներմուծվող ապրանքների և Հայաստանի

Հանրապետության տարածքից Մաքսային միության ու Միասնական տնտեսական տարածքի անդամ պետությունների տարածք արտահանվող ապրանքների վրա:

Վերոնշյալ որոշման 7-րդ կետի համաձայն՝ անկախ ապրանքներ տեղափոխող տրանսպորտի տեսակից՝ վիճակագրական ձևը լրացվում է բոլոր ապրանքների համար՝ Հայաստանի Հանրապետության ռեզիդենտ հանդիսացող անձի կողմից, ով կնքել է գործարքը, կամ ում անունից (հանձնարարությամբ) կնքվել է այդ գործարքը, կամ ով ունի ապրանքների տիրապետման, օգտագործման և (կամ) տնօրինման իրավունք (այսուհետ՝ դիմող):

8-րդ կետի համաձայն՝ վիճակագրական ձևը ներկայացվում է դիմողի մաքսային ձևակերպումների իրականացման վայրի մաքսային մարմին ոչ ուշ, քան ապրանքների առաքման (ստացման) ամսվան հաջորդող ամսվա 10-ը:

10-րդ կետի համաձայն՝ դիմողը պատասխանատվություն է կրում վիճակագրական ձևի ժամանակին ներկայացման, դրա մեջ արտացոլված տվյալների լրիվության և հավաստիության համար՝ Հայաստանի Հանրապետության օրենքով սահմանված կարգով:

Համաձայն <<Մաքսային կարգավորման մասին>> ՀՀ օրենքի 60-րդ հոդվածի 4-րդ կետի՝ ՀՀ և Միության անդամ պետությունների միջև փոխադարձ առևտրի վերաբերյալ ՀՀ կառավարության սահմանած վիճակագրական տեղեկությունը ներկայացվում է մաքսային մարմին՝ ՀՀ կառավարության սահմանած կարգով՝ ոչ ուշ, քան ապրանքների առաքման (ստացման) ամսվան հաջորդող ամսվա 10-ը:

Այսպիսով նյութերով պարզվել է, որ Միքայել Եզեկյանը վերոնշյալ վիճակագրական հաշվետվությունը ներկայացրել է սխալներով, , որպիսի փաստն առաջացրել է ՀՀ Վարչական իրավախախտումների վերաբերյալ օրենսգրքի **169.2 հոդվածի 2-րդ մասի հատկանիշների խախտում:**

Ելնելով վերոգրյալից և ղեկավարվելով ՀՀ ՎԻՎՕ 23, 169.2, 182 հոդվածի 1-ին մաս, 234 հոդվածներով՝

Ո Ր Ո Շ Ե Ց Ի

1. Համաձայն <<Վարչական իրավախախտումների մասին>> ՀՀ օրենսգրքի 169.2 հոդվածի համաձայն Միքայել Եզեկյանի նկատմամբ կիրառել վարչական պույժ՝ նշանակել տուգանք՝ սահմանված նվազագույն աշխատավարձի հիսնապատիկի չափով, այսինքն՝ 50.000 դրամ:

2. Որոշման մասին հայտնել Միքայել Եզեկյանին՝ պարզաբանելով, որ վարչական իրավախախտման վերաբերյալ գործի որոշման դեմ գանգատ կարող է տրվել որոշումը սահմանված կարգով հանձնելու (հանձնված համարվելու) օրվանից հետո՝ երեսուն օրվա ընթացքում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

3. Որոշումը կամավոր չկատարելու դեպքում այն կկատարվի <<Դատական ակտերի հարկադիր կատարման ծառայության>> միջոցով՝ պարտապանի հաշվին:

ԳՏՄ ՊԵՏ



Կ. Զ ա ն ո յ ա ն